

醫方簡義

卷五



醫方簡義卷五

古越山陰梅溪王清源馥原著

門人

洪愛仁  
潘星如

吳汶錦

婦人辨論

讀諸大家書知女科與男子分立一科金匱要略中  
著婦科三篇妊娠產後雜症大略已具後世辨症編  
類頭緒紛紜讀者反無所得緒愈紛而治愈淆矣又  
有女子脈理與男子異類之說一起不但病體不明  
而脈理必大相懸殊也戴起宗曰脈訣因男子左腎



南京中醫藥大學圖書館藏



右命女子左命右腎諸家以尺脈之盛弱解之即男  
 尺恒虛女尺恒盛之謂也並不宗其右腎左腎右命  
 左命之說矣又褚氏以女人心肺診於尺是謂遺五  
 藏其謬更甚然女子與男子形氣雖異血精雖異而  
 十二經脈所行之終始五藏之定位則一也豈得以  
 女人脈位反背倒置乎故言婦人之症多與男子同  
 惟行經胎產與男子異耳茲特舉所異者逐一詳述  
 以備吾儕參考凡所同者悉照男子治例不當復贅  
 又凡金匱所有之治法茲不復述宜宗金匱可也

調經

帶下  
 七疝

白淫  
 癥瘕

白淋  
 五積

氣淋

勞淋



且夫經者常也。運行有常，一月一行，故名月信。信，約  
信也。如約信之有定期也。又曰癸水，即天一之水。  
謂也。故曰天癸，又名月事。每月中之事也。婦人以血  
為主，血盛則溢，以象月盈則虧也。失其常度，則為病  
矣。故調經為婦科所首重也。內經云：太衝脈盛，月事  
以時下。太衝者，即血海也。五藏六府之血，皆注於血  
海。故衝脈為女子所尤重也。然心生血，肝藏血，脾統  
血，心不生血，則月事不行；肝不藏血，則血乃妄行；脾  
不統血，則血無所歸。凡婦人之病，肝、脾、心三者皆足  
其病必輕，一有欠缺，則病重矣。又有衝任督帶之奇



脈女子孕育調經皆有賴也。又有陽蹻陰蹻陽維陰維，乃一身之上下左右相循之脈。合衝任督帶共八脈，衝為血海，隸屬陽明，任為負荷，會于兩陰之間。督為奇脈之總領，帶為一身之束帶，屬少陽足經。脈失司，諸病叢生，經候不調，孕育難矣。衝任為病，崩漏、瘕聚之患迭出。督脈為病，則僂廢、衝疝，從小腹上衝作痛，不得前後帶脈為病，則帶下綿綿。又衝脈為病，氣逆而裏急。任脈為病，男子內結七疝，女子帶下瘕聚。督脈為病，主女子不孕、癥閉、遺溺、盜汗之症。帶脈為病，腹滿腰溶溶如坐水中，二蹻為病，難經云：陰



絡者陰蹻之絡、陽絡者陽蹻之絡、陰蹻為病、陽蹻為病、陽緩而  
陰急、陽蹻為病、陰緩而陽急、二維為病、陽維為病、陰  
寒、熱、陰維為病、苦心痛、此八脈者於孕育大有關係、  
欲治孕育必先調經、欲調其經必先治奇、所言帶下  
之病與白淫、白淋、往往渾治、宜細辨之、庶不誤認也、  
白帶者如帶之狀、綿綿不絕、流利難停、治宜疏木補  
土、調理帶任二脈、白淫者小溲之後有白物、見亦不  
多、治宜補心益脾、兼調氣分、白淋者膀胱之內有濕  
熱、蘊結必小腹墜痛、而後下者、治宜化氣之法、兼清  
濕熱可也、况淋病有五、一曰氣淋、氣虛下陷、小便頻



數溺有餘，瀝宜補心，益氣兼清濕熱之治。一曰勞淋、  
遇勞即淋，損在脾腎，宜補中益氣為治。又有血淋、  
淋膏淋三者，皆因濕熱久蘊，傷及腎陰所致，宜滋養  
化源，以大補陰丸治之最妙。凡婦人科以經水趨前  
屬熱，趨後屬寒為斷，論非不確，然亦不可拘執也。  
經水淋漓頻頻而見，或為氣所阻，或因血瘀滯著，不  
得以此例賅之。又有血枯內熱，經候亦必愆期，因血  
虛內耗所致。凡婦人脈盛內熱，經水先期而至，斯為  
屬熱。若脈衰肢逆，經水後期而至者，斯為屬寒。故診  
婦人病，必當問天癸何如，血分多寡，否腰腹有痛否。



經色紫黑黃赤否有瘀否或經先腹痛經後腹痛經  
先腹痛屬氣滯經後腹痛屬血虛更當究其  
實而合病之盛衰如內熱者脈必數內寒者脈必遲  
血虛者脈必濇而少神氣虛者脈必沉而兼微腹痛  
者脈緊血瘀者脈革血脫者脈芤古人之言女尺  
盛者指平脈也近時婦女兩尺沉滯濇小者居多因  
吾鄉地屬東南濕熱為勝氣虛血滯者為多北方風  
寒為勝地屬西北血虛氣旺者為多故西北之人病  
帶下者十之一二以寒盛故也東南之人病帶下者  
十常八九以濕勝故也又肥人血多滯為寒瘦人血



多滑為熱，肥者難孕而易育，瘦者易孕而難育也。調經之道，血盛則補氣，氣盛則補血，使血氣無偏勝。陽無盛衰，何患乎難孕？何患乎難育哉？余以婦科最切急者，以備參攷焉。

大補陰丸 方見腎經症 統治五淋症

益母勝金丹 治經候前後不調等症

大熟地 九蒸九晒 當歸 酒蒸各 白芍 酒炒 川芎

酒蒸一 丹參 三 酒蒸 芎藭 酒蒸 香附 醋製 薑汁 各

炒一 土炒 白朮 以上 八味 共末 以益母草 八

水酒各半熬膏，與前藥末煉蜜為丸，如桐子大。





每早開水送下四錢○如經水先期加丹皮生

地各二双○如經水後期加肉桂五

進退四物湯製調經總方加減而治

熟地五當歸三酒炒白芍一

五一川芎各二

血熱先期者加丹參丹皮益母草各二

後期者加肉桂五牛膝香附各二○先腹痛而

經至小腹疼痛者加青皮炒一澤蘭香附延胡

索各二青木香四減去熟地一味倍加川芎一

○經淨而腹痛者加人參二桂枝五香附延胡

各二減熟地一半加炒白芍五○帶下加鹿



角霜二煨龍骨二左牡蠣四仙居白朮二砂仁

五去熟地川芎二味○白淫多者加茯苓白朮

東洋參各一進白芍一半退熟地一半○白

淋多者加琥珀一烏鰂骨一滑石淡竹葉各一

○經水色黃而淡者加肉桂伍菴藟子三党參

三柴胡八醋炒○心神搖漾加茯神三遠志肉一

琥珀八燈草一○如風虛暈眩者加煨天麻

一姜半夏一倍川芎一○如嘔者加姜三片川

連八姜半夏五淡吳萸八減熟地一半○肢

逆冷者加桂枝七竹茹一姜三片



調元湯製自治奇脈虧損經水三五不調肢節痠疼腰

痛氣滯心搖神怯暈眩等症

生地四阿膠洋冲白芍酒炒當歸二羌活二獨活二

澤蘭二杜仲鹽水炒天冬三鹿角霜二如神二

員肉五枚○如虛風眩暈者加煨天麻氣

滯腹痛加延胡索三天仙藤一○皖痞心痛者

加琥珀一丹參三左金丸一赤小豆一○嘔者

加梔子三半夏麩炒左金丸一○心悸者加桂

枝一姜半夏○如經先腹痛者加川棟子延

胡索各三小茴炒五天仙藤一夫阿膠生地二



味○經後腹痛者加白朮二○如經水紫黑

痰者加桃仁一紅花八○經水少而淡黃者加

肉桂以夏月減半○屢致胎墮難留者加黨參

三炙黃耆三兔絲子三○如經至之先必寒

熱者加炙鼈甲三柴胡一去鹿角霜阿膠可也

大補血湯 治氣血兩虛而經候不調者

炙黃耆八當歸三清煎

八味道遙散 調經之要方也

當歸三赤芍一柴胡一茯苓三白朮二甘草五

生薑一薄荷一或加丹皮二梔子三治肝鬱症

四七湯 治七情鬱結經候不調

姜半 厚朴 茯苓 蘇葉 各一各半 水煎

越鞠丸 治肥人多痰痰阻經隧不能受孕者

蒼朮 川芎 香附 梔子 神麩 各等分 為末

煉蜜為丸或水法為丸 桐子大 每服三五丸 雙湯

八珍湯 治氣血不足

党參 三 白朮 二 茯苓 三 炙甘草 五 生地 當歸 各三

赤芍 川芎 各一 加姜棗煎

斷下丸 自製 治不論赤白帶下

杞子 覆盆子 車前子 炒煨龍骨 煨牡蠣



党参

茯苓

淮山藥

杜仲

酒炒

柴胡

赤

石脂

生地黄

各

又加棉花子仁二兩共

末煉蜜為丸桐子大每服二

三

日

下

加減歸脾湯

治白淫白淋白帶諸症

炙綿黃耆

白朮

炙甘草

枳實仁

遠志肉

廣木香

歸身茯苓神党參各三煨

龍骨

烏鰂骨

水煎

茯苓琥珀湯

治白淋濕重者

茯苓

猪苓

澤瀉

滑石

各三

甘草桂枝

各



卜白朮二琥珀一長流水煎

八正散 治白淋熱勝者

木通 車前子 篇蓄絡一大黃

麥 梔子絡二甘草梢伍加燈草七葶

分清飲 治膏淋濕熱多者

川萆薢 益智仁各三石菖蒲伍生甘草梢伍

烏藥一加茯苓三食鹽數粒亦可治之

補中益氣湯 並治氣淋勞淋

炙黃耆三黨參三白朮二陳皮一柴胡一升麻

炙甘草伍當歸三如氣實者減黃耆半加



北京中醫藥大學圖書館版權所有



青皮 子一 木香 八 如氣虛似實者宜逍遙散治

三五七散 治風入血分化腫者名曰風痺

淡附片 細辛各三 乾姜 乾山茱萸 肉

防風 山藥各七 共末每服二 分 温酒調下

流氣飲 治七情氣滯腹脹便閉脚氣上攻喘逆

背胸脅痞悶等症

蘇葉 炙芍藥 青皮 陳皮 大腹子 茯苓

苓 當歸 烏藥 防風 木香 川芎 白

芍 桔梗 枳實 炙甘草 姜半夏 姜

棗 水煎此方不註分 子 宜酌用可也



養心湯 治勞淋氣淋二症

炙甘草五 炙黃芪三 西党參三 茯苓三 茯神三

川芎一 當歸二 柏子仁一 半夏一 遠志一 肉桂一

五味子九 肉桂五 棗仁一 如氣虛不受參者

者宜減參者各半加砂仁末五 天仙藤一 琥珀一

六水煎

太無神功散 治痞滿積聚、噯氣食滯、痰鬱血鬱、心

肝脾肺腎五積、乾血癆損、癥瘕等症

篇蓄 瞿麥 麥芽 各五 神麴三 沉香 木香

各一 甘草五 製軍二 共為細末服之每服二



三季燈芯竹葉煎湯稍加陳酒調服○凡婦人

乾血症用紅花湯調下○痰積用橘紅湯加酒

調下○肝積名肥氣用柴胡青皮各一煎湯加酒

酒調下○肺積名息賁用合歡皮百合各一煎湯加酒

湯加酒調下○心積名伏梁用石菖蒲厚朴各一煎湯加酒調下

脾積名痞氣用厚朴天仙各一煎湯調下

腎積名奔豚用花椒五十粒泡湯調下○如瘕與癥俱用酒調下可也

加味橘核丸自製治七疝八瘕書云任脈為病男子內

結七疝女子帶下瘕聚七疝者一曰衝疝氣上



衝心二便不通二曰狐疝臥則入腹立則出腹也三曰癰疝陰囊腫大如升也四曰厥疝肝氣上逆也五曰瘕疝素有瘕痞痛而下濁也六曰潰疝內有膿血也七曰癰疝內停膿血小便不通也瘕者徵也有形可徵按之不動也瘕者假也無形可著推之可移也血食內積為瘕氣鬱於中為瘕也

橘核

二又鹽酒炒

小茴香

川棟子

煨去核

桃仁

光炒

山查

炒香附

醋炒各一又

紅花

五琥珀

五椒目

天

仙藤

各三沉香

沉香

二神麩

四共末

以米飲為丸

如

如

如

如

如

菘豆大每服四五丸温酒送下○女子用經  
花紅一泡湯送下忌食生冷油麵等物

### 崩漏

#### 附倒經辨症

崩者如山川萃崩橫決之勢真能制也此女科最  
最暴之症有因木鬱侮土木盛土衰致肝氣鳴張脾  
失運用之權肝不藏而脾不統猝然致崩者又有鬱  
怒傷肝而崩者又有熱傷陰絡而崩者有瘀血積久  
而崩者有妊婦跌仆震動血絡而崩者種種崩象不  
外心脾肝腎以及奇經之衝任督帶四脈也古賢治



暴崩重在心脾宜溫宜補治久崩重在肝腎宜清且  
通治屢崩屢愈者必靜攝任陰溫煦衝陽法已大補  
然婦女患是症者必倉皇告急而治之者切效因其  
倉皇告急之情而畏首畏尾倉猝施治妄用補攻之  
法若誤補之則留瘀貽患誤攻之則心氣下脫危在  
旦夕也必須問明有瘀無瘀腹中痛與不痛崩勢之  
緩急病之新久審斷其屬虛屬寔藥之宜補宜通宜  
溫宜清宜攝宜固之理以痛而有瘀為寔不痛而無  
瘀為虛虛者補之寔者攻之緩則溫之急則緩之新  
者消補兼治之久者固攝兩施之余治是症必診其



脈之沉微濇小，四肢逆冷如冰者，以大溫大補之藥，參以活血消瘀之品，診其脈之緊革弦數，四肢溫燥而腹痛者，以八味道遙散和養之也。故自製黃耆補血湯一方，總治崩症，而設加減之法，俾臨診調劑其治，恐方藥一多，致有難於選用耳。余治之數十年者，十常八九，靡不應手取效也。至於漏下之症，如漏后之狀，或一日一漏，或一日數見，或五日十日半月一漏者，名曰經漏，與妊娠胎漏有間。經漏者，係奇脈不固，衝任失職，脾土太虛所致，或癥瘕為害，宜固攝為主。次疏肝陽，繼補奇脈，余以自製固元煎治之，更



以虛寔之法加減而用也。凡婦人以及室女患鼻衄吐血等症，切勿以鼻衄吐血之常法治之。此必由肝陽上升，情懷失暢，致衝任失司，逆行而上。治宜和肝潛陽，鹽茶潤下之法，俾經水一正，而倒者順矣。存之以備參考。

黃耆補血湯自製治血崩，不拘有痰無痰，氣虛血虛。

蜜炙黃耆四當歸三仙居白朮二鹿角霜二

茯神三赤芍製香附各一廣木香一山查炭

三棗仁炒琥珀各一神麩三如腹痛有痰者加

延胡二桃仁十粒如氣血兩虛欲脫者加麥冬



去心遠志肉八倍黃耆如四○如作寒熱而自汗

如洗者此血虛風盛也不宜表散但加荊芥穗

二以疎血中之風○如素有肝風暈眩自汗驚

悸欲厥者加煨天麻一姜半夏一去鹿角霜

○如崩後口渴非真渴係血虛發熱而渴也

勿飲冷慎之加烏梅炭五以化陰液其渴自止

若進寒涼藥物則血氣凝結以成不治之症也

加減歸脾湯方見調經治血虛氣怯崩後赤帶白帶

養心湯方見調經治同前症

八味逍遙散方見調經治素有肝鬱者



固元煎自製 治經漏症

熟地六 歸身三 白芍一 酒炒兔絲子三 煨龍骨

二鹿角霜三 炙鼈甲三 杜仲二 鹽水炒 潼蒺藜

益母草三 炙甘草五 廣木香八 水煎 如素有微

瘕者當先服神功散繼服固元煎可也

神功散見調經

正經湯製 治倒經鼻衄吐血

澤蘭二 當歸三 焦山梔四 阿膠三 丹皮三

茜草一 益母草三 柴胡一 醋炒琥珀八 左牡蠣

五加藕五 一斤煎湯代水或服逍遙散加丹皮梔



子亦可治之

十全大補湯

治病後元氣不復之症

人參二

白朮五

茯苓三

炙甘草五

熟地六

黃耆三

芍藥二

當歸三

川芎一

黃耆三

肉桂一

小前一

○如體熱去肉桂加黃芩天冬各二

水煎服

崩漏之脈

究其根莖

六脈寔大

其症為災

若遇暴下

立見其推

兩寸似滑

或斷有

胎

脈緩為吉

沉伏難裁

浮而兼代

病

必不回

緩小多愈

洪作虛裁

倒經之脈

右寸浮洪

兩尺如瀉

陰火上攻



咳吐痰血 無瘀易通 下虛上乘 氣必逆

冲和緩則吉 强直者凶

熱入血室

嘗思病有熱入血室者何也讀金匱要略而

入血室者有五第一條主小柴胡因女子患寒熱致

經水適斷急提少陽之邪勿令下陷為最第二條傷

寒發熱經水適來有晝明夜劇譫語見鬼之象恐誤

認為陽明寔症故云無犯胃氣及上二焦之戒第三

條中風寒熱經水適來七八日脈遲身涼胸脅滿如

結胸狀譫語者顯無表症全露熱入血室之候自當



急刺期門使知針力勝於藥力也第四條陽明病下  
血譫語但頭汗出亦為熱入血室亦刺期門必汗出  
而愈第五條明其一症而有別因為告故未詳辨耳  
如痰涎上潮昏冒不知當先除其痰後除其熱等語  
所謂急者先除也今人但知熱入血室不辨熱邪之  
輕重血室之盈虛而獨以小柴胡一方統以施治貽  
害良多也觀葉桂先生於熱甚血瘀者與桃仁承氣  
參入山甲歸尾之屬使瘀熱下行也於血舍空虛而  
熱邪陷入者用犀角地黃加丹參木通之類以使熱  
下泄也有表邪未盡者用和解之法至於血結胸者



有桂枝紅花湯入海蛤桃仁之品。又有瘀熱為狂者，用牛黃膏之法以清之。何嘗拘於小柴胡一法也。更觀案中治吳某熱病十七日，因經來三日，後患病熱邪乘空內陷，從蓄血如狂例治。方用澤蘭行氣解毒丹皮清血中之熱，製軍桃仁下瘀兼清陷下之熱。生地人中白存陰救裏，可謂法之密治之審也。得此一隅而三隅可反矣。余治是症最多，每以金匱立法，指南參用自能各適其宜焉。因近時婦女冷煖不慎，飲食不節者居多，行經時一受外邪，即變熱入血室之症。而膏粱之人，自知保養，故病是症者尚少。藜藿之



人未能保養，故病是症者良多。凡治婦女之病，必詢及經水如何。或經水已至，即受風寒暑濕等邪，或已受風寒暑濕等邪，致經水適來，或病及半月，餘兩經水適至者，皆能熱入血室也。如病者云：經期尚遠，亦須急治其邪，恐邪氣綿延，正氣必虛，致經水適及其期而病氣未盡，邪必乘虛欲入，急當清其餘邪，切勿挾雜血分之藥，恐導竅而入竅也。余製三方，各有加減之法，以治熱入血室之症，不無小補云爾。

再論熱入血室者，婦人病則稍輕，室女病則更重。何也？婦人體藏已疏，感邪雖入血分，易於解散。室



女體藏周密邪入血室不易外達治不易散余每  
治是症必問經至幾日或病先受邪或病後受邪  
審其邪之淺深輕重用藥之表裏緩急凡婦女經  
水有盛衰經候有遲速或平素經行幾日亦盡如  
經行一日即感外邪而致者其瘀必多或經行將  
盡適病外邪熱雖陷入血室其瘀必少瘀多者正  
未虛瘀少者正已虛更問其少腹痛否視其神氣  
清否腹痛而神昏者瘀為多腹不痛而神清者瘀  
必少又當辨其形狀若何如言蹇者風邪也自汗  
者亦風也身重者濕邪也有寒熱而無汗者寒邪



也。口渴面赤者，暑兼濕也。又當察其脈象，脈見弦勁者，病凶；脈見徐緩者，病輕。遲而寒者，宜溫；數而熱者，宜清。是症須急治，不宜緩治。略叙數言，以參末議也。

牛黃膏

牛黃二 硃砂五 水飛丹皮 鬱金各三 冰片一

甘草一 共末煉蜜為丸，如舶茴大，每服一九，開

水化下

桃仁承氣湯 方見傷寒

犀角地黃湯 見火症



南京中醫藥大學圖書館藏

桂枝紅花湯

桂枝 白芍 甘草 紅花

滌邪湯

製治經水先來更受熱邪寒熱往來或晝

夜劇或但身熱不論神昏欲瘧欲厥等

澤蘭一斤琥珀一斤丹皮二斤天冬三斤荊芥炭一斤

條黃芩一斤煨天麻一斤白薇一斤焦山梔三斤桔梗一斤

水煎服忌食生冷之物○如嘔者加川連姜汁

炒八○如不省人事者先用蘇合丸一丸開水

化服再服本方一二劑○如熱甚而狂者重便

壹盞沖入藥內○如神昏欲瘧欲厥者本方去



桔梗天冬白薇三味加大黃醋炒元明粉二

枝五○如腹痛拒按者瘀血尚多本方去桔梗

白薇天冬加製軍三元明粉五天一藤五

如腹微痛者本方加桃仁二皮二去尖○如受風加中

防風受寒加柴胡受濕加六一散受暑加青蒿

之屬也

禦邪湯自製治先受邪而經水道來者加減法如前例

澤蘭二黃芩一焦梔子三杏仁三天麻八

小琥珀一川芎一當歸三荊芥一加竹葉廿片

化元湯自製治病後邪熱未淨而適見經水者加減如前例



生薑甲 四川 芎一 當歸三 琥珀一 黃芩五 炒一 年

茯神三 棗仁少 鮮生地八 澤蘭二 益母草五

神麩二 水煎服

小柴胡湯方見傷寒

蘇合丸方見厥症

胎產脈法

且夫胎產之脈異於常人胎前之脈與經常之脈不同而產後之脈與胎前之脈亦異也婦人之脈兩尺恒盛此其常也兩尺瀋者病也浮與洪而相火內動濡與細而陰氣不足否則肝部弦急腎部沉瀋兩寸



南京中醫藥大學圖書館藏

緊革皆經閉不調之候也。有尺脈微遲者為居經。凡婦人三部浮沉正等無他病而停經者孕也。大而旺者亦孕也。尺滑者為孕子也。左尺洪而男，右尺洪而女。妊若遇俱洪，雙妊之因。又以左寸洪而屬男，右寸洪而屬女。孕又曰少陰動甚者，妊子。按經旨而言，少陰者指手少陰心脈而言也。婦人脈浮沉正等，按之不絕者，孕娠也。不絕者，脈滑也。體弱之婦，尺內當濇。今按之而滑者，便謂之胎。經曰陰搏陽別，是謂有子。言尺中陰脈搏指與寸口陽脈迥別。陰中有別陽，故云有子。婦人月脈來滑疾，重手按





之散者三月胎也按之滑疾不散者五月胎也滑而  
又代者胎亦三月也婦人斷經月餘而欲嘔者胚胎  
之兆也按其脈寸口弦緊者恐不成胎而崩壞也急  
當保其胚胎以補其不足清其有餘脈減則能保矣  
脈不減者非胚胎也是氣阻血瘀使然耳故經云陰  
虛陽搏謂之崩也妊婦七八月脈得牢實緩大者當  
脈來沉微濇小者凶急宜大補血分使脈緩而胎自  
安矣妊脈見革漏下之徵妊脈見散欲產之兆也故  
欲產之脈散而離經新產之脈小緩為應離經者離  
乎經常之脈也小緩者小而和緩也如新產之脈寔

大緊革者非厥必脫也是血虛而氣旺故凶新產血崩不止尺脈上不至關者主死苟用余自製黃耆湯進之尚有得生者焉婦人兩尺弱且濇必腹常冷者年少得之為無子年大得之為絕產婦女二七天癸至七七天癸絕是其候也又有寡婦之脈心寧神靜氣血多滯如遇憂勞思慮動其氣血擾其心神脈多滑疾不得妄斷為妊娠之脈也凡室女二七之年天癸當至其不至者稟賦之不足也當二七之年天癸已至是合天道之常如婚嫁失時脈得弦出寸口上魚際者名曰失合症也雖有寒熱不為病也不治而



自愈矣。

驗胎法

婦人經停三月或脈象並無胎意，如偶有滲漏，清當驗之。用川芎末一二分，以艾少許泡湯，空腹調下。臍下微微蠕動，則有胎也；不動者非也。

胎前藥忌歌

巴豆天雄同附子，牡丹硝桂及桃仁，紅花薏米

偕麻角，茜草藜蘆穿甲莘，槐角茅根與牛膝

三稜莪漆合綿茵，南星瞿麥木通夏，刀豆葱椒

大蒜薪，麻黃姜炭延胡索，鼈甲常山麝壞娠



白蠟殼丸皆忌用

車前紅麩紫金倫

麥芽黃蘗

山查肉

香附檳榔牡蠣泝

此種猛烈休來用

胎病之中勿沾唇

昔黃帝問於岐伯曰婦人重身

胎病之中勿沾唇

毒之奈何岐伯對曰有故無殞亦無殞也大積大聚

其可犯也衰其大半而止後世之人云有病則病當

之即此意也究係破氣破血之品以忌用為是切勿

藉有故無殞一言而擅用之耳慎之戒之

### 胎前症治

昔陳良甫良方大全有驗胎脈症辨分縱橫順逆以

斷男女雙產三產之說未可遽以為是也故不備錄



凡婦人受胎一月形如露珠太極動而生陽天一生  
水謂之胚足厥陰肝脈司胎故經閉妨食受胎二月  
形如花瓣太極靜而生陰地二生火謂之暉三月形如清  
阻足少陽胆經司胎故嘔而思食受胎三月形如清  
涕先成鼻準次分雌雄男女乃定手厥陰心包絡司  
胎故易於動受胎四月始受水精血脈乃成形象乃  
具手少陽三焦司胎五月始受火精四肢生毛髮出  
足太陰脾經脈司胎六月始受木精筋骨成游其魂  
左手振足陽明胃經司之七月始受金精口目全手  
太陰肺經司之八月始受土精皮膚生九竅成游其



魄右手動，手陽明大腸經司之。九月始受石精百，即  
 具備三轉，其身足少陰腎經司之。十月神氣完，具安胎  
 血已足，足太陽膀胱司之。氣化即能產矣。嘗云：胎  
 胎須防三五七其故何也。因三月之胎，手厥陰心包  
 司之，相火一動，雖大聲笑語，亦能動胎。五月之胎，足  
 太陰脾氣司胎，胞系繫於脾，經濕熱傷脾，故致胎病。  
 七月之胎，手太陰肺經司之，始受金精。一遇外邪，肺  
 先受之，故胎易墮。凡治妊婦，必以安胎為主。雖有他  
 病，當以末治之。胎安而病自去矣。苟以祛邪為先，安  
 胎為後，則邪未去而胎已傷矣。可不知哉。古人另設



安胎一法不令人於有病之際服之惟逐月服一二  
 三劑以養胎清熱治於未病之先也豈治於既病  
 後乎世人不諭有病無病動以安胎飲服之  
 當膠柱鼓瑟不知通變何其愚之若是也余製  
 按月加減養胎之品最為妥當如遇外邪即  
 之法佐之可也

加減安胎飲 妊婦每月服二三劑最妙

生地五 歸身二 川芎五 酒炒白芍一 白朮二

條芩五 酒炒一 杜仲炒 二清 炙綿耆三 砂仁末五

加棗二枚水煎





養元湯自製 治妊娠每月加減而服以養胎元

生地紅 歸身紅 白朮紅 條芩紅 炒一 黃耆紅

始受之胎一月足厥陰養之本方加桑寄生紅 黃耆紅

○二月足少陽養之本方加川貝母紅 減黃耆紅

一朮加條芩一倍炒○三月手厥陰養之本方

加川連六 減黃耆一半○四月手少陽養之本

方去黃耆加阿膠紅 冲入地骨皮紅 ○五月足

太陰養之本方加茯苓山藥各三 ○六月足陽

明養之本方加川連五 大棗三枚○七月手太

陰養之本方加知母紅 天冬紅 百合三 炙橘



紅八○八月手陽明養之本方去白朮加川連

酒炒五黨參三○九月足少陰養之本方加三覺

紅三杞子三川芎三白芍一○十月足太陽

脫養之本方去白朮加川芎一炒白芍五覺

參三枸杞子三炙龜板三服四劑俟其氣化而


產也不必另服滑胎飲也然滑胎飲近時多用

之往往生變貽患良多况產之難易由氣血之

衰旺所致旺者易產衰者難生此方按月補養

氣血自足至十月而加龜版者取其易開交骨

也為臨盆之要法譬如挽舟入水其產最易瓜



之熟蒂自落矣何患乎難產哉若用滑胎等劑是強治之法難產危候悉由此出可不勉哉  
胎動不安論

妊婦胎動不安由起居失時飲食失常或因寒氣搏其衝任之脈或因跌撲損傷或因叫號動怒或脾胃虛弱皆能動胎若因母病而致胎動者母病愈而胎安也若因胎動而致母病者安其胎而母病愈也更當審望其色面赤舌青者胎死腹中也面青舌赤者子母難全也此診妊婦之要法一切胎動之病不必另決安胎之法余以加減安胎飲為主凡六淫外受



北京中醫藥大學圖書館藏

欲害胎氣者以治六淫之品按邪加入惟跌撲損傷  
有害胎元宜加減安胎飲內更加青木香六續  
三可也右錄景岳安胎散方亦可選用

安胎散

熟地

艾葉

白芍

川芎

黃耆

阿膠

當歸

炙甘草

地榆

生姜

胎漏

問曰胎漏何故答曰婦人經水無孕則按期而行有  
孕則蓄養其胎至產後化為乳汁妊婦經水偶下為  
漏若不攝納其血必漏下無度瀝盡其血而胎將安  
養每致墮下若因熱迫血下者當急清其熱若因怒



動肝致肝不藏血而漏者其病最重胎必難保下血  
 色鮮無瘀塊者宜加減安胎飲倍加黃耆三  
 柴胡五治之若漏下已見瘀塊者胎必不保也宜加  
 減安胎飲加黨參三炙龜版三以補其陰庶乎胎盡  
 而胎未下者宜速進安胎飲四五劑俾新血漸生  
 胎可留也如胎已墮下即服生化湯三四劑如遲疑  
 不果不特胎之不留而母命亦難全也詳見產後方

論

余之用龜版一味取其補水養木之意切勿執謂  
 龜版能開交骨而畏不敢用開交骨者敗龜也



子懸 附子眩

胎氣上逼緊塞胸次之間名曰子懸，因嗔怒動肝或不慎起居，或脾氣鬱結，或憂思傷及心脾，若定香蘇飲加減主之。若火氣上升，內風擾動，而暈眩欲嘔者，宜二陳屬名曰子眩，或因痰涎上潮而暈眩欲嘔者，宜二陳屬加減治之。

香蘇飲 治子懸

製香附一蘇葉五陳皮一炙甘草五水煎服

如胎氣上迫加枳殼一條苓五如嗔怒動

肝者與不慎起居者加柴胡條苓各一如脾氣



鬱結加丹參茯苓各三  
如憂思太過者加佛手

白朮 二砂仁中卜 水煎

### 二陳湯 治子眩

姜半夏 一 茯苓 三 炙甘草 五 陳皮 八 水煎

如氣火上升者加焦山梔 三 天仙藤 一 如內風

旋眩欲厥者加煨天麻 一 鈎藤 三 甘菊花 一 ○

如痰氣作眩者加川貝母 一 麥冬 三 去心 瓜蒌皮

紅竹茹一丸青果一枚

### 子氣

子氣者妊婦衝任受風故兩足腫大喘悶妨食甚則





足指甲出黃水名曰子氣非水氣也。大忌利水之劑。宜天仙藤散治之。

天仙藤

仁炒香附

烏藥

炙甘草

陳皮

蘇葉

木瓜

水煎服

此方係香蘇飲加減內

有木瓜之活血烏藥之下氣雖屬古方。光未

當不若用天仙藤

木瓜

烏藥

鹿啣草

乃煎湯薰洗為妥且妙也。

### 子腫

子腫者肢體面目足跗皆腫也。係胎中受濕與血相搏。濕氣流溢使然。名曰子腫。與子氣大相懸殊。一名



胎水因引飲過多或脾虛泄瀉土不制水所致婦  
五六月中多有之宜白朮散治之

### 白朮散

白朮土炒 茯苓皮 五 陳皮 一 大腹皮 五 姜皮

一半 共末米飲調下四半 指迷方有桑白皮

也。丹溪除姜皮大腹皮二味加木通川芎取

補土導水行氣之妙余以川芎活血動胎木通

導水太疾況苦寒之品未為穩當不若白朮散

### 子煩

子煩者心煩而悶亂也。因君相之火內動而腎水不  
能制火亦有痰阻中脘而煩。恍者治之之法清上中



二焦之火為主若氣虛而胃不和者亦有虛煩也且

香砂六君子湯治之

淡竹葉湯 治君相火動而煩者

淡竹葉 三 黃芩 炒 和母 各一 麥冬 法 茯苓 各

水煎

香砂六君子湯 治胃虛而煩者

党參 茯苓 名三 仙居朮 二 姜半夏 陳皮 各

炙甘草 砂仁 廣木香 枳 五加棗 三枚

子瀉

子瀉者妊婦血虛受風口噤角弓反張不省人事痰



南京中醫藥大學圖書館藏

延上潮名曰子癰其症暴而且危宜羚羊角散急服  
 一二劑如因嗔怒而致者本方加白芍桑葉  
 一挾虛風者加煨天蘇秦仁絡一水煎服可也

羚羊角

錢一  
五卜

獨活

五卜

歸身

三川芎

三菟活

一苾仁

防風

一炙甘草

東洋參

小鉤藤

二桑寄生

加姜三片煎服

子鳴

妊婦不慎起居登高舉臂致兒口脫出故腹內喊叫  
 名曰子鳴婦人臍上疙瘩兒含於口故脫出即鳴但



使妊婦曲腰就地上拾物一二刻時其疔瘡仍不愈  
口其鳴即止服補陰益氣煎自愈

補陰益氣煎

熟地五 歸身三 懷山藥三 党參三 陳皮三

三柴胡 七炙甘草 五水煎服

子瘡

經云人有重身九月而瘡當不服藥十月當復岐伯  
曰胞胎繫於腎腎脈繫舌本故不能言十月分娩後  
自能言也余以心火暴甚腎水太虛偶觸外風風阻  
其竅故不能言也曾治一妊婦身已九月因研紙曲



躬研畢出外浙米偶受風邪卒然身發大熱神躁不安卒然欲厥余診其六脈浮躁無倫詢其家得研情由遂用桔梗獨活蘇梗黃芩四味各一各五分煎飲之吐膠痰盈碗更用燈草灰吹鼻得嚏數聲而愈今製桔梗獨活湯以治子痞以備酌用慎勿妄開竅豁痰之品以致殞胎慎之慎之

桔梗獨活湯

製自

桔梗

獨活

蘇梗

條芩

各一各五分

真化橘紅

以加生薑三片青果一枚水煎

子一應新著



妊婦患瘧名子瘧每見妊婦五六個月肝虛受邪致  
化瘧疾或風或寒或暑或濕不得以治瘧之常法  
之因肝藏血血虛者氣必旺瘧脈自弦弦者必有痰  
古人云無痰不成瘧妊婦患之每致墮下治不得法  
子母難全何也患瘧致墮墮後瘧邪留著不去其血  
愈虛其邪愈盛宜作血虛瘧症例治庶乎免死焉然  
治子瘧必以安胎為主清邪之法佐之胎可安而子  
母全矣可忽乎哉特著之以俟裁正

治瘧安胎飲

自製

生地

五錢

天冬

南沙參

各三錢

知母

炒

條苓

炒

防



風炒白朮各一橘紅八蘇梗一加姜一片煎

○如受風者加獨活一受寒者加牛旁子一

如受暑者加竹葉卅片生石膏二如受濕者加

茯苓四仙半夏一以蒼朮易白朮水煎○欲嘔

者加川連姜汁炒如已成壞症而欲發癰疹者

本方去白朮加牛旁子二薄荷一馬勃五活小

蘆根即葦莖水煎大忌動血之藥慎之

子痢新著

妊婦患痢下一症名子痢因脾腎兩虛不節飲食以  
及生冷水濕等物或不慎寒暄坐臥乘風或夏秋間



濕熱膠滯腸胃以致下痢最難調治治不得法不治  
 者甚多甚至子母難全可不懼哉其候腰痛氣滯  
 急後重少腹疴痛不得以治痢之常法治之要相攻  
 下否則峻表皆是傷胎之劑胎元受傷不特胎重即  
 其母正氣大虛亦多難療余治是症每以淡滲之劑  
 滲其濕又用升清之品以其胎必在下焦胎宜升越  
 其邪熱自能漸下更用安胎清熱之品固其胎元往  
 往得心應手故自製治痢安胎飲以俟同道者選用  
 治痢安胎飲白製

綿耆

三四  
年炙

生地炭

三  
年

歸身炭

二  
年

茯苓

三  
年

澤瀉

二  
年



升麻炒五 銀花三 條芩酒炒一 川連酒炒 麝木

香五 范志麩二 加荷葉一角水煎○如禁口者

水湯不進而嘔吐頻頻本方加石蓮子經石薯

蒲三 姜三片去生地炭一味煎服○口渴者切

忌生冷水果本方加青果一枚烏梅一枚○如

赤痢加地榆炭三○白痢加白槿花一如腹痛

甚者加川椒二十粒去升麻一味更加白芍一

○如赤白兼者加天仙藤二 驢膠一 去廣木香

水煎服○或外加篇豆葉二十片以醒胃氣最

妙



胎消 即胎不長足

妊娠胎形不長，延及一二年不產者，因婦多滯痰，痰痕聚為害，或起居不慎，或時有憂思，致脾胃大虛，不能輸精養胎，必須大補元氣，宜加味八珍湯長服為佳。

加味八珍湯

党參三錢 白朮二錢 茯苓三錢 炙甘草一錢 熟地六錢 川芎一錢  
八歸身二錢 炒白芍八錢 炙黃耆五錢 水煎服

鬼胎

婦人藏府安和，氣血充足，則妖魅之氣所不能侵也。



惟正氣大虛，棄之邪念叢生，妖魅之氣所得而乘之，  
 經閉不行，狀如懷子，面色痿黃，無神脈來，大  
 寒熱交作，形神不振，名曰鬼胎，宜雄黃丸攻之，又有  
 心氣不足，腎水大虛，心多妄念，致夢與鬼交，若宜安  
 神定志丸治之。

雄黃丸

明雄黃

鬼白去毛

丹砂水飛各五錢

延胡七錢 麝香一錢

川芎七錢 姜半夏一兩

為末，蜜丸，梧子大，每服三十丸。

丸，空腹溫酒下。

安神定志丸



茯神 茯苓 人參 遠志肉 石菖蒲

龍齒 各五 煉蜜為丸 梧子 大辰砂為衣 每服

錢臨臥時以人參湯送下或燈心七支泡湯

下

妊婦內癰

妊婦胃癰多食炙煨煎熬之物助起胃火或動肝火皆能成之小腸癰因素有瘀血挾起濕熱滲入膀胱而成小腸癰之象足不能伸縮者是也至於大腸癰之症亦由濕熱內著結而成癰其候大便秘結小腹堅腫內作水雞聲甚至臍黑而高突者法在難治又



有乳癰一症俗名内吹係肝鬱生火肝陽太旺所致  
宜逍遙散治之

減千金牡丹皮飲 治妊婦一切内癰惟乳癰不

宜

丹皮一米仁一瓜婁仁一銀花二草河車二

林二二共末每服五分水煎服○胃癰加川連五分

分共末可也

神效乳癰散自製 治妊婦乳癰

當歸二炒白芍一炒青皮一柴胡一茯苓三夏

枯草三鹿角霜一加青橘葉十片菊花二煎服





此方較神效瓜婁散更妥錄後以備參考

# 神效瓜婁散

全瓜婁

一枚

粉甘草

當歸

酒洗各五錢

製乳香

沒藥

各一錢

水煎熟酒沖服此法因乳香沒藥

味去瘀太峻恐傷胎元故宜加意而用

得已服一劑可也不宜再服

## 妊婦護胎法

妊婦患時症或患六淫重症急用護胎之法用井底

泥塗臍至關元

臍下三寸

乾則再易之或以青黛伏龍肝

即灶為末塗之再服安胎清邪之劑庶免墮胎之患



矣。

妊婦大小便不通 附轉胞

妊婦大便不通，因血燥火旺所致，宜六味丸、雲丹皮、加川柏、知母治之。小便不通，因胎墜於下焦，壓在胞中，胞系繚戾，則小便點滴難通。宜宗古人以陷者舉之一法治之，名曰轉胞。胞轉則自通矣。宜補中益氣湯治之。

六味去丹皮加黃柏知母湯

生地 澤瀉 茯苓 淮山藥 紅山萸肉 八川

柏 五 炒知母 五 清煎



補中益氣湯見痢疾症

炙黃耆三 白朮二 陳皮一 升麻一 東洋參一

甘草五 當歸身二 柴胡一 加淡竹葉卅 煎方隨

服後以指探喉嘔一次可愈當連服數劑可也

妊婦出乳附乳卸 並附保產順生方法

妊婦有乳自出名曰泣乳因氣旺血湧使然宜加味

八珍湯加柴胡醋炒 方見胎消症又有乳頭脫落名

乳卸因肝家風熱太盛宜神效逍遙散去鹿角霜青

皮二味加防風五 方見內癱症外用防風白朮煎

湯薰洗可愈



神驗保產無憂散

凡妊婦九個月外未臨盆時

服二三劑可免一切產難之虞流傳已久不得

輕視當珍重用之

當歸

酒洗

川貝

酒炒

白芍

黃耆

枳殼

兔

絲子

姜製

厚朴

艾葉

荊芥穗

枳殼

枳殼

枳殼

川芎

羌活

甘草

水

二鍾

姜三片

煎

至八分

空腹溫服百無一失

華陀順生丹

硃砂

水飛

製乳香

為末

以端午午時

用猪心

血為丸

如芡實大每服一丸以當歸

血為丸

如芡實大

每服一丸

以當歸

川芎

二

三

川芎

二



煎湯送下。不經婦女之手，以示潔淨。

# 順生丹

硃砂水飛 丁香五 麝香一 製乳香一 石炭炭 醋對

次七 右為細末，擇天月德日用，益母草煎膏為

丸如芡實大，每服一二丸，川芎一 當歸一 煎膏

送下

凡婦人初胎，氣血完固，腹皮緊窄，交骨未易即開，其胞胎最難轉動，必補養血氣之劑，多服為妙。而保產無憂，散最效。嘗見初胎致難產者，最多因不能忍痛，早經穩墜之手，生擒活剝，余每



遇初胎必先告以忍痛為第一，勿食肥膩為第  
二，勿久坐為第三要法，任其自產，但使穩速，  
繫小兒而已，勿令動手推挪，更須壯孕婦膽量，  
使勿自張皇，自然萬無一失矣。語雖近粗，而道  
合至正也。

難產十論

楊子建云：凡生產先知此十症，庶母子兩命皆得保  
全。世之收生者，殊少精良妙手，多致誤事，予因痛切  
而備言之。

一曰：正產懷胎十月，陰陽氣足，忽然腰腹齊痛，兒自



轉身頭向產門，漿破血下，兒即正生。

二曰催生。兒頭至產門，腰腹齊痛，仍不產者，方服藥以助氣。催之，或經日久，產母困倦難生，宜服藥以助氣。血令兒速生。

三曰傷產。胎未足月，有所傷動，以致臍腹疼痛，或欲產或因妄服催藥，逼兒速生，如此生息未必無傷慎之。

四曰凍產。天氣寒冷，產母氣血凝滯，難以速生，則衣服宜厚，產室宜暖，下裳更宜溫厚，庶兒易生，更不宜火氣太熱，恐致血暈。





五日熱產盛暑之月產婦溫涼得中過熱則頭目昏眩而生血暈之症若涼臺水閣以及狂風陰雨更當謹避

六曰橫生言兒方轉身產母用力太急逼令轉身不正當着產母安然仰臥令老練穩婆先撐兒身順直頭對產門以中指探兒肩不令臍帶絆羈然後用藥催之再令產母努力兒即順生

七曰倒產言兒並未轉身產母妄自努力令兒手足先出當產母安然仰臥令穩婆輕手推兒入內候兒自順若良久不生令穩婆手入產門就



北京中醫藥大學圖書館藏

邊撥兒轉身順向產門即服催生藥並努力即出

八曰偏產言兒雖已轉身但未順向生路產母急於

努力逼兒頭偏向一邊雖露兒頂非乃額角耳

當令產母仰睡穩婆輕手扶正其頭即服催生藥

並努力兒即下若兒頂後骨偏注穀道露額令

穩婆以綿衣烘暖裹手於穀道外旁輕手托正

令產母努力兒即順生

九曰礙產言兒身已正門路已順兒頭已露因兒轉

身臍帶絆其肩以致不生令產母仰臥穩婆輕



手推兔向上，以中指按兔肩，脫去臍帶，仍令兔身正順，產母努力，兔即生。

十曰盤腸產，臨產子腸先出，然後生子，腸出時以極潔淨不破損漆器盛之，古方用蓴麻子法研爛塗產母項心，腸即收上，此平穩法選用之。又方以大指撚麻油潤之，點燈吹熄，以煙薰產婦鼻中，腸即收上，最平最穩。

以上十產論，密且精矣，足見醫道之難，不容浮躁涉獵者問津也。

交骨不開，產門不閉，論治



交骨不開者有鎖骨也因血虛不能運達故不開  
穩婆以麻油調滑石塗入產門中或用兩指緩緩撐  
開並服芎歸湯候藥力一到即可分娩若產後產門  
不閉氣血虛也用加味八珍湯補之可也如胎衣不  
下亦宜芎歸湯主之

加味芎歸湯

當歸五錢 川芎三錢 自敗龜版童便炙婦人頭髮一握

燒灰存性水煎服如人行五里地時即生如無自敗

龜版藥肆中所買者亦可代用

加味八珍湯 方見胎消症



Faint vertical text columns, likely bleed-through from the reverse side of the page. The characters are mostly illegible due to fading and ghosting.

卷五終



醫方簡義卷六

古越山陰梅溪王清源馥原著

門人

洪愛仁  
潘星如

吳汶錦

全參訂

產後證治總論

產後病苦雜亂。金匱中著產後三病。最為簡括。一者病瘧。二者病鬱冒。三者病大便難。悉屬血去陰傷之變。新產血虛。故多汗出。汗出易為風中。故令病瘧。亡津液。必胃燥。故大便難。此三者。係產後屢有之病。其餘一切病症。皆可心領神



北京中醫藥大學圖書館版權所有

會矣。張路玉云：產後元氣虧損，惡露乘虛上攻，眼花頭暈，或心下滿悶，神昏口噤，或痰涎壅盛者，急用熟童便主之。或下血過多而暈者，神昏煩亂，芎歸加入參澤蘭童便補散並施可也。又有三衝大症，因敗血上衝，衝心、衝肺、衝胃是也。衝心則歌舞談笑，怒罵坐臥不安，甚至踰牆上屋。此敗血衝心，多死不治。用槐蓋石散、琥珀黑龍丹兼有得生者。衝胃則嘔惡飽悶，腹滿脹痛，失笑散平胃散治之。若腹脹而兼嘔逆者，因敗血已化為水，在法不治，宜金匱下瘀血湯主之。衝肺則面赤嘔逆喘急欲死，人參蘇木湯主之。大抵



衝心者多死衝胃者半生半死衝肺者十死七八此  
皆產婦不耐久坐急於早眠所致凡新產後務令  
母坐褥三四個時辰使穩婆時常幽靜頻喚不令  
眼恐肝氣抑鬱遂致惡露上衝故時久得眠無  
衝之患否則起居不慎稍感風寒亦致患三衝症者  
居多故治產後諸症必以行瘀為主須養至百日後  
作常人論治凡有血分之症悉在調經例中余擇產  
後之最關緊要者而辨明之故自製三衝方法以為  
臨證選用凡產後一語言新產後百日內之症非指  
婦科之常病也丹溪論產後必當大補氣血雖有他

症以未治之此論已括盡產後大旨矣如產後惡露

驚恐勞倦諸症易於釀禍如有氣母伐正氣如有食

母伐胃氣有表邪母傷表氣有裏病母傷裏氣雖有

口渴身熱之象勿用寒涼之劑如涼藥入口多致不

救因產後瘀多血少陰虛者必發熱所以產後宜熱

不宜涼也凡一月之內不論形似外感不得以表藥

重發其汗雖三陽表症確有可指之形不宜以三陽

不宜以三陰表法治之雖三陰裏症確有形證之據亦

裏法施治總以活血祛瘀之法為主佐以清散之

品使邪正悉協中和之道為至穩至當之理也若過

於消瘀亦非法也必新血生而後瘀血可去故去瘀



生新尤為善治。如產後一個時辰，即宜速進生化湯，以逐瘀活血，勿使惡露停滯。日服一劑，連進三四服，可也。凡產婦七朝之內，須逾格小心調護，宜慎勿使憂怒驚恐，撫養七日之後，即有觸受外邪，較七日之內減輕一層，因血瘀淨去故也。養過十四朝之後，勿使小勞抑鬱等情，則更妙矣。調養百日，氣血乃復。半產之症，須問月分之多寡。墮胎每至三五月為多，如胎氣三四月致墮，其病稍輕；如胎已五六月致墮，其病已重；如七八九月致墮，則更重矣。因胎未長者，妊婦之氣血尚足，故輕；胎已長者，妊婦之血氣大



虛故重。又有先崩而後產者，有先產而後崩者。先產後崩者，必產婦素有宿病，氣血衰脫所致。先崩後產者，必有跌撲損傷，內有絡瘀所致。二症均宜補氣攝血，佐以消瘀之法為當。不得全用活血祛瘀方。恐瘀血雖去而正氣虛脫也。又有胞衣不下者，因產時送免努力，氣已虛乏無力，送衣或因平素體氣虛弱，血水瀝盡而胞衣滯滯不下，皆宜速煎大劑生化湯進之，使血旺腹和，衣被宜暖，勿使受寒。胎衣自下，如不下，令產母切勿臥倒，只宜坐守，以待胞落。胞衣落後，還宜連進生化湯數劑。如腹痛已止，更用加參生



化湯服數劑可也此治產後之大略宜細玩焉

生化湯

當歸八川芎四桃仁十三粒三姜炭五炙甘草五用

水三鍾煎至八分加無灰陳酒三四匙

服須產後二個時辰內服之可免變幻

東洋參或党參五名加參生化湯

如聖散 治胞衣不下肘草麻肉二雄黃二共研成

膏塗母足心胞衣即下一下即宜洗去為要

益母丸 治胞衣不下以益母草一味連根葉花於

當風處陰乾為末蜜丸彈子大每服一丸生化



湯冲服

承氣生化湯

製自

治產後胃燥亡津液大便結閉

製軍

三

川芎

三

全當歸

六

桃仁泥

二

炮姜

二

厚炙

甘草

五

水煎

加酒三匙冲

桂枝生化湯

製自

治產後汗多口噤咬牙角弓反張

名曰瘧病因血虛風生故也

桂枝

六

白芍

一

酒炒

川芎

三

當歸

五

桃仁泥

二

炮

姜

五

炙甘草

五

煨天麻

一

琥珀

一

澤蘭

五

益

母草

三

加酒

三匙冲

柴胡

生

化湯

製自

治產後鬱冒寒多復汗身熱

柴胡生

化湯製自

治產後鬱冒寒多復汗身熱

製自



柴胡酒炒 川芎 當歸 桃仁粒 炙甘草

炮姜五 荊芥一 酒炒黃芩一 水煎加酒半盞

服

清心生化湯 治敗血衝心

生蒲黃四 炒蒲黃四 琥珀一 當歸四 川芎二

桃仁粒 炮姜五 遠志去心 澤蘭二 炙甘草五 黑

料豆合 加蘇木五 降香三 水煎冲入陳酒少許

平胃生化湯製自 治敗血衝胃

醋炒大黃三 厚樸一 川芎二 當歸四 桃仁粒 黑

料豆合 炮姜四 炙甘草四 麥芽三 加蘇木五





降香三水煎加酒五匙冲

救肺生化湯自製治敗血衝肺

白蛤壳五桃仁十三粒川芎二當歸三炙甘草一

炮姜五琥珀一黑料豆一合川貝二真花橋一

一加蘇木五降香四水煎加酒半盞冲又童便

一盞冲

花並石散

花並石四硫黃一研細泥封煨赤每服一錢童

便調下然此方太峻慎勿輕用

琥珀黑龍丹



當歸

五靈脂

川芎

良姜

熟地

各二石

藥剉碎入砂鍋內用紙筋鹽泥固濟火煨過

草霜

及硫黃

乳香

製去油

琥珀

花蕊石

各一石

共為細末醋糊丸如彈子大每用一

丸更

用炭火煨赤投入生姜自然汁浸碎以童便調

下可也然此藥峻猛慎勿輕用不過備之以待

參考總以勿用為是

失笑散

見厥症


人參蘇木湯

人參

二蘇木

五

水煎加陳酒三匙冲入



平胃散

蒼朮各一厚朴各二陳皮各一炙甘草各五水煎服

下瘀血湯

大黃一桃仁二十粒蟭蟲十五枚右藥三味研末

煉蜜分作四丸以酒一升煮一九取八合頓服

之新血下如豚肝

黃耆湯自製見血崩症治先產後崩先崩後產皆效

產後癰疾痢疾

產後患癰其人必肝陽素盛血衰氣旺者居多或胎前曾有發熱等症至產後邪正交渾而化癰者或產



後不慎起居，觸受風寒暑濕等邪而成瘧者，總以祛  
痰活血為主。大忌表散，恐邪去正傷故也。又有產後  
痰血滲入大腸而化痢者，其痢日夜無度，裡急後重，  
腹中切痛，大忌攻下之劑，亦宜消痰導滯為主。若誤  
用攻藥，每多虛脫。若感寒濕風熱暑邪而致痢者，亦  
宜消痰為主，清邪之藥稍加數味可也。然產後正氣  
先虛，血舍一空，一遇瘧痢等症，勢已危殆。若遽以表  
之攻之之法而治，如此重大之症，譬如人已入井而  
更下石塊之甚也。可不慎歟！余自製治瘧治痢方各  
一首，以為臨證權衡，亦補古人所未備也。



柴胡生化湯 見前證治門

治產後癰痢在十四朝

以內者如嘔者加川連以吳茱萸六〇

加桂枝七赤芍年一〇熱多加枳殼年一知母年一

如十四日之外惡露必淨加党參一二錢不妨

治痢生化湯 製自 治痢在產後七日前後者

川芎年二當歸年四炮姜年五炙甘草年五桃仁年十琥珀

以厚樸年一大腹皮年一山查肉年三川椒年四香連丸

年一加姜三片〇如赤痢加紅花年八酒炒如白痢加

茯苓年三肉桂末年三製香附年五〇如赤白兼

者本方去川椒山查肉加製香附年二藿梗年二姜



半夏

一年澤瀉三年

肉果霜六切忌攻補寒涼等

法為當

產後時邪風寒暑濕燥火證治

產後七日内患時邪壯熱口渴或身痛或頭痛或咽

痛宜與產後鬱冒例治甚則四肢厥逆口噤譫語神

昏或不語等症悉由瘀血不行時邪湊之况新產之

後血舍一空神不守舍矣雖有外邪以未治之陳三

錫之三合湯最為妥洽更以熱童便徐徐呷下使瘀

血下行其邪可解不然愈治愈劇不治者甚多恐世

人欲求穩當先清時邪繼治血分不但邪不易解而



痰逆反不下行此求穩當而致不穩不當之禍也內  
經曰熱淫於內治以鹹寒佐以苦溫此因寒遠寒  
旨也又曰有故無殞亦無殞也余製六和生和湯以  
治之不論風寒暑濕燥火逐一加減庶乎臨證之時  
有所持循豈可妄為施治哉

三合湯方見瘟疫正治此方本小柴胡小清涼生化  
湯三方加減合而為一

六和生化湯自製治產後六淫外侵隨症斟酌加減

川芎二當歸四炮姜四炙甘草五桃仁十茯苓

三砂仁一殼一橘紅八水煎服○如頭痛發熱項





强身疼脈浮而緊為傷寒不宜與麻黃發表宜

加羌活防風薄荷各一以取微汗為妥如

出熱熱惡風頭痛發熱為傷風加蘇梗黃芩

一桑白皮二如夏月受暑煩悶口渴自汗

悸微熱宜加青蒿一麥冬去心酒炒知母

綿者一如受濕潮熱脈濇口不渴身疼神倦

者加澤瀉二滑石二桂枝五大腹皮一如秋

燥與火侵肺致渴而喘嗽者宜加桑葉淡芩一

小五川貝二淡竹葉一愈後即宜溫調氣血為

治凡產後一切外感下論正類傷寒總以生化



湯為主加祛邪之品一二味可也切勿拘執六  
經治法以冒為高古至於類中風一症在常人  
而論已詳中風門矣而產後患類中風症與育  
冒瘧病例治宜桂枝生化湯加減治之無不應  
手取效所以類傷寒與類中風二症均不具贅  
恐辨症一多立法致亂非徒無益反增害矣

產後癰亂

癰亂者揮霍發亂也四肢厥逆吐瀉並作腹痛異常  
較常人霍亂為更甚因七日內瘀血未淨多致不治  
七日以外惡露已盡庶乎稍緩况腹痛如絞甚則轉



筋產後之人何可當也故欲吐不吐欲瀉不瀉者  
乾霍亂較前症更甚一倍急宜顧著惡露治  
逐寒立法不問濕霍亂與乾霍亂宜急治不  
緩則不救矣余製理中生化湯治之十救七  
參用焉

理中生化湯

製白

治霍亂吐瀉並作

炮姜

年一

東洋參

炒五

蒼朮

八

川芎

年二

桃仁

泥

年二

當歸炭

年四

炙甘草

五

淡附片

年二

姜半夏

年一

五

川

連姜汁

炒

水煎服

如口渴

加葛根

年一

如欲吐

不

吐欲瀉

不瀉

加醋炒製

軍

年四

如轉筋

而四肢抽



南京中医药大学图书馆

掣者加木瓜名四川椒粒三十可也

### 血暈

凡分娩之後眼花暈眩不自知覺一時暈厥  
冰其因有三一因產母體氣虛弱不耐痛苦而致者  
一因去血過多元氣欲脫而致者一因肝火上升  
氣交并於上而暈厥者若不急治多致不救也因  
產母以惡露下行甚苦一患暈厥惡露停積否則上  
升矣故緩則不治急以木醋一磁瓶熬熱其氣甚重  
以瓶口向產母鼻孔使吸受醋氣即甦更用生化湯  
加荊芥名二煎好沖入陳酒一盃灌下自然向安古方



用韭萊與米醋燉熟而俾產母吸受其氣且恐急不暇備不若以純醋為簡捷也

產後自汗盜汗

自汗者陽虛也盜汗者陰虛也若不急為止之恐有脫陰脫陽之變經云脫陽者見鬼脫陰者目盲此皆大虛之候余以衛陽生化湯治自汗以保陰生化湯治盜汗靡不獲效矣

衛陽生化湯

自製

炙黃耆

三錢

蜜炙桂枝

七錢

生左牡蠣

五錢

川芎

二錢

當歸

歸

四錢

桃仁

十五粒

炙甘草

五錢

炮姜

五錢

酒炒白芍

二錢

芍

二錢



保陰生化湯自製

川芎二當歸四桃仁十炙甘草五炮姜五檀香五

皮五紅五清五灸五綿五者五以五琥五珀五銀五胡五以五加五藕五節五三五個

產後咳嗽

產後咳嗽在旬日內外雖感冒風寒鼻塞聲重亦當以治血分為主有外邪以未治之自無久咳之累若以清邪為先治痰為後必致瘀血久留延成勞怯之症宜四物湯為主清邪佐之余以肅肺生化湯主之肅肺生化湯治七日內咳嗽者

炒焦生地五當歸四川芎二桃仁一炮姜五小



炙甘草五橘白一桔梗一炒一益母草三篇一斤

煎湯代水煎藥白蜜三匙姜汁一匙沖入

加減四物湯 治十日外咳嗽者

炒生地四川芎二當歸三赤芍二知母一

貝一桔梗一炒一訶子皮一杏仁泥二加姜五片

紫苑湯 治久咳不已有痰者不宜無痰者宜之

紫苑二知母一炒一川貝二人參一茯苓三五

味子七炒一驢膠一炙甘草五桔梗一加生姜三

片大棗二枚

產後泄瀉





泄瀉因脾胃虛弱土不勝水木旺侮土停滯不運  
能致瀉更有血瘀不淨因鬱因憂因怒因悲者皆能  
留瘀結為癥瘕聚之患都是致瀉之由若  
泄瀉而不用通絡溫中之法非善治者也世  
利水治瀉而不知補土即所以利水也疎木即所  
扶土也余製調元益胃湯以為治瀉之主方加減而  
用庶乎挽一時之流弊耳

調元益胃飲子

自製

川芎炭

一年

當歸

三年

炮姜

一年

淡附子

二年

蒼朮炭

以清炙者

三年

姜半夏

一年

川連

吳萸一分

琥珀

拌炒一年



六澤蘭一芫蔚子三車前一廣木香一

水煎和陳酒半盞徐徐服下每日一劑分

六次而服可也○如脫肛者加炙粟殼分

挾食者加神麥三○如有癥瘕者加莪分

山查肉三尖槓榔二○如瘀血未淨者加桃分

一紅花一○如心悸者加遠志肉一秦仁一

產後帶下

帶下因奇脈不固脾中之精氣不輸於肺而注於下

為帶下或因去血過多血化為帶古人所以有白帶

屬氣虛為血所化赤帶屬血虛不及變白而為赤也



此理未可遽信。古有漏下多時，血肉枯一語，顯係血去太多，脾中之精氣墮之下行，名為白帶。論之以後，同道裁正。余每以自製斷下丸治之，靡不應手而愈。斷下丸方見調經門。

產後腹脹附腫症

產後腹脹，因胎前元氣虛弱，多索湯飲，或素有茶濕之人，至產後誤服破氣傷氣之藥，或惡露未淨，不節鮮油肥膩食物，或因血虛便秘，而誤服攻下之劑，皆致腹脹之由。治之者，切勿因腹脹而專消其脹，勿因氣滯而重傷其氣。總以活血扶脾為治。彌月後元氣



漸復脹自消矣病者切勿妄求速效不然愈治其脹而脹更甚矣慎勿以余言為欺世之談也至於產後腫症由惡露不淨風濕乘隙襲入而成或因胎前素患泄瀉至產後瘀血不行脾胃不足多飲湯水助起濕濁所致者亦不外乎活血散瘀扶脾益胃治切勿妄逐其水可也

四七益氣湯製自治產後腹滿而脹兼治腫症

姜半夏一升厚朴一升茯苓三升蘇葉一升人參一升虛

臍酌當歸三川芎一升廣木香一升腹子五升炮姜六

加雞內金一具或挾食傷加麥芽三升神曲二升挾



痰加蓬朮香附各一〇挾濕加通草二挾氣加

陳皮一挾寒加淡附子二〇如受風濕而腫者

倍紫蘇一加防風五卜車前一而治之

加減金匱腎氣丸 治產後腫脹腹滿服益氣化癥

不效者宜加減用之

炒熟地四粉丹皮四澤瀉三茯苓三山藥二淡

附片二安桂一山萸肉炭一車前二牛膝炭三

加蒺藜子八小

琥珀茯苓丸 自製 治產後腹脹暴腫諸症

琥珀五浙茯苓二猪苓五木瓜五牛膝梢三粉



丹皮三澤瀉八製香附一車前五肉桂五

附片一蓬朮四三稜三山查肉八廣木五

神麩五羌活五獨活五麥芽五廣木五

藥十五味共末蜜丸如彈子大每服一丸日一

服開水冲化或以水一碗煎服亦可用陳酒

服更妙此種藥品最為和緩係利水導滯活血

消痰温經調氣之品並治七癥八瘕皆效

產後心腹痛腰痛身痛頭痛小腹痛諸症

產後諸痛皆為血虛否則血瘀此明虛實之辨有瘀

為實無瘀為虛徧身疼痛難忍者因產時百脈縱弛



氣虛血滯化出而風遊走不定身難轉側手足有不  
遂之狀若認為太陽表症遽用發散之劑其變幻莫  
測矣治宜活血行氣稍疎內風自然漸痊如心腹痛  
者定知客寒犯胃也或氣旺血虛者亦然頭痛者因  
血虛而受風也小腹疔痛者必有血瘀也小腹係厥  
陰部位厥陰之脈繞陰器肝氣乘虛下攻亦能致痛  
腰者腎之府也腰痛屬腎虛女科腰痛當責之帶脈  
勿得全歸於腎帶脈主約束帶脈一虛不能約束故  
腰痛也產後條目不必要繁瑣恐學醫者坐論之際條  
分縷析臨證之時權衡若失況古賢先輩無論不周



靡法不備垂教後人而後人置若罔聞安得常留於  
心目之間故余以簡括之法用於急不暇擇之際最  
為便捷論亦不多治亦不繁俾易於記憶爾製之  
於後以備檢用

拈痛散自製治心腹痛頭痛

丹參三赤小豆二東洋參一煨天麻一降香一

五當歸三麥芽三水煎服

非風湯自製治產後徧身肢節疼痛

桑寄生三當歸三赤芍一川芎二生炙綿黃耆

各二桂枝六紅花六潤牛膝二獨活一木瓜一



五水煎冲入陳酒一盞

祛痛湯自製 治腰痛小腹痛不論虛實皆治

當歸四 川芎二 天仙藤一 杜仲三 川

沙苑子三 延胡三 肉桂五 小茴四 水煎入酒

少許冲。○如小腹痛甚者必瘀多加青皮炒

桃仁一 韭白一握水煎服

陰門腫痛

婦人初胎而產每多心慌慮亂皮膚筋骨未易驟疎  
加以不耐痛苦用力太過致陰門兩旁腫痛宜服生  
化湯自然向愈或經穩婆之手扯傷腫爛着用乳香



一錢忍冬藤三錢水一盃煎濃潤之可也或用松花  
撲之即愈佛手散可治之

佛手散 即芎歸湯

川芎 四 當歸 八 水煎加酒

一杯服

### 乳汁不通

乳者血上行而化也故有乳然後可以育子其不通  
者有二一由婦人氣血素虛肝氣獨旺血氣耗傷更  
受憂鬱憂鬱則氣結血滯一由氣閉血鬱而不能布  
化者宜四物白通湯治之其乳自通矣

四物白通湯 自製

生地 四 當歸 五 川芎 三 赤芍 二 白芷 一 生香



附二加葱管三莖水酒各半煎服或加通草三

化乳湯自製

生炙綿耆各四當歸四川芎一通草二白芷五

柴胡四水煎服

產後陰挺陰中下物數條

產後陰中下精肉一塊形如雞冠約長出寸許甚至及尺名曰陰挺係產時努力太過氣虛下脫所致古法每以補中益氣治之又有下物如茄昔名茄症蓋兒袋也亦屬氣虛下陷所致又有下物如鉢狀有二歧者即子宮也亦因氣虛所致查婦科臍下二寸為



血海又曰衝脈左二寸為胞門右二寸為子宮

為子戶即子宮胞門即兜袋也三症悉屬氣虛

治法亦同不特產婦患之而婦人陰虛濕火

陽素盛者亦患之而治新產後者宜升清消

以補中益氣概而治之

補中益氣湯見調經門

逍遙散見調經門 二方統治陰陽下脫之症

升耆益陰煎自製 治新產後陰中下物之症

炒焦升麻四 炙黃耆三 桃仁十粒 夏枯草三 炮姜三

五川芎二 全當歸四 製香附一 加淡菜粒 水煎



薰洗法

用白礬一名防風紅艾葉

二五倍子四

忍

藤五煎湯薰洗勿使藥渣粘着粘着則難收

乳懸

一名乳卸治法與胎前不同

產後瘀血上攻忽然兩乳頭拖出墜下尺許甚則過

於臍下痛不可忍名曰乳懸因平時時有嗔怒肝經

火鬱或受風熱所致宜大劑芎歸湯合逍遙散治之

外用薰藥慎勿用手指拿拈如輕意拈捻即斷而墮

下不可為矣須用絀并托之外用薰藥薰之即收上

矣

逍遙散

見調經門



芎歸湯方見陰門腫痛

薰藥方 用白薇 防風 羌活三味各五燒烟薰

乳使烟氣薰著收上為度或用草麻子四十九粒麝香五厘研爛塗婦人頭頂心收上後即當洗去為要

產後流注

流注即惡露流入腰腎關節肩背手足等處或漫腫或結塊即用熨法以散其腫塊內服調元散痰湯為治之痰散乃命

慰法 用生葱一握連根葉搗作餅子貼於患處加





厚布三四層蓋之，以火斗熨之，立散。

調元散瘀湯自製

黨參三錢 生炙黃耆

各三錢 川芎二錢 當歸四錢

乳香五錢 沒藥五錢

製去人小製 沒藥去油

肉桂六錢 生甘草八錢 青木香五錢

水煎作四分而服

乳癰乳岩

乳癰乃乳房腫硬，乳管閉塞不通，數日之外必焮腫作膿。初起必寒熱往來，病在足少陽、足陽明二經，宜通絡破滯。古人每用逍遙散治之，往往綿延不愈，甚至潰爛。余自製芎歸疎肝湯治之，靡不應手取效。未



潰者即消，已潰者即膿矣。至於乳岩一症，室女寡婦居多，何也？因室女寡婦最多，隱憂鬱結，情志不舒，日久血分內耗，每成是症。初起如梅核狀，不痛不癢，積久漸大，如雞蛋之狀，其硬如石，一致潰爛，形如破榴。內潰空洞，血水淋漓，有巉岩之象，故名乳岩。病在脾肺胆三經，血氣兩損，最難治療。治之愈早愈妙，宜歸脾湯逍遙散二方，始終守服，切勿求其速效，庶乎十救其五。如致潰爛，則不治矣。慎之戒之。

芎歸疎肝湯自製 並治乳癰乳岩凡胎前不宜

川芎二 當歸四 製香附二 炒青皮一 王不留行



三延胡 二蒲公英 二鹿角霜 二麥芽 三柴胡

二漏蘆 一夏枯草 二加路路通 四個枇杷

片去毛水煎入酒少許冲

逍遙散 見調經門 治乳岩初起並治乳癰

歸脾湯 見心經症 治乳岩初起

香附餅 並治乳癰乳岩初起者

香附 一麝香 二共研細末另用蒲公英二兩酒

煎去渣以酒調藥禾乘熱敷於患處可也

保嬰八法

一 凡小兒月內宜常帶顧者忌飲冷乳及水忌火



灸衣被須常帶三分飢寒為要

哺乳法哺食也乳爾也食後不得與爾爾後

勿與食免成痕積之害

初生小兒尚未開乳宜先用製軍川連

各一錢泡茶頻頻與服然後進乳

小兒牙牀有白點名曰米牙用細銀針刺破

桑樹汁漿塗之

小兒牙牀堅硬不能吮乳名曰牙板亦須針破

以桑樹汁塗之

小兒喉間腫突名頂珠須以手指蘸冰片擦之



其核即下

一 小兒臍風凡兒斷臍帶後宜用厚布裹護若燥慎水濕因浴而受之或因兒尿棚未換濕氣所侵或當風解視皆能患之七日內遂有此症致兒臍腫多啼不食名曰臍風方用白殭蠶四個炒去絲嘴研末以蜜調敷唇內即愈又方用白殭蠶四個炒去絲嘴全蝎一隻去尾又用石榴樹上之虫繭一個名雀甕此三味放於新瓦上用白炭火焙之焙乾研末抹於小兒牙牀及唇口內即愈

一 小兒出胎須用滾湯俟溫而洗勿雜生水恐水  
氣入臍待洗淨後方斷臍帶斷臍帶須惡汁搽  
盡否則寒濕入腹必患臍風又須離兒臍四五  
寸外以綿絲紮緊用帛包之將口咬其臍帶不  
致血貫於臍帶也七日後自然易為褪下即或  
遲至七日外尚未脫落亦無為害所留臍帶不  
可太長長則難乾而傷肌矣且恐引風而變臍  
風亦不宜太短短則逼內而傷臟矣千金論云  
須令足跗上為度即云小兒自己足底之長為  
度可爾

卷六終



醫方類聚

十一



南京中医药大学图书馆版权所有